

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র সরকার নতুন খাদ্য সহায়তা প্রকল্পের আওতায় ৯২,০০০ মেট্রিক টন গম সরবরাহ করলো

ঢাকা, ৫ই অক্টোবর -- যুক্তরাষ্ট্র সরকার যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি)-এর মাধ্যমে যুক্তরাষ্ট্র টাইটেল ২' খাদ্য সহায়তা কর্মসূচীর আওতায় বাংলাদেশে ৯২,৩৮০ মেট্রিক টন গম সরবরাহ করেছে। এসব খাদ্যসামগ্রী সেপ্টেম্বরের ২২ থেকে ২৮ তারিখের মধ্যে চট্টগ্রাম বন্দরে এসে পৌঁছেছে। আগামী পাঁচ বছরের মোট ২১ কোটি ডলার মূল্যমানের নতুন খাদ্য সহায়তা কর্মসূচীর প্রথম বছরের জন্য এটিই হচ্ছে প্রথম চালান। এই কর্মসূচী বাংলাদেশে ক্ষুধা নিরসন ও পুষ্টির উন্নয়নের জন্য প্রণীত; যার লক্ষ্য হচ্ছে সর্বাধিক দরিদ্র ও পুষ্টিহীনতায় ভুগছে এমন জনগোষ্ঠী।

সরবরাহকৃত খাদ্য আয়ের সুযোগ, স্বাস্থ্য উন্নয়ন, পরিষ্কার-পরিচ্ছন্নতা ও পুষ্টির উন্নয়ন এবং নারী ও মেয়েদের ক্ষমতায়নে সহায়তা করার লক্ষ্যে তহবিল সংগ্রহের জন্য ব্যবহৃত হবে। এই উদ্যোগ প্রাকৃতিক দুর্যোগের আগে সতর্ক সংকেত ব্যবস্থা নেয়ার মত দুর্যোগ ব্যবস্থাপনা পদ্ধতিকে জোরদার করবে এবং বন্যার পানি রোধ করার লক্ষ্যে ঘর-বাড়ি উঁচু করা; বিভিন্ন জনগোষ্ঠী জন্য রাস্তাঘাট, বাজারের স্থান এবং বাঁধসহ অবকাঠামো নির্মাণ করা এবং বন্যা ও ঘূর্ণিঝড়ের মতো প্রাকৃতিক দুর্যোগে সাড়া দিতে জনগোষ্ঠির সামর্থ্য বৃদ্ধি করাসহ জলবায়ু পরিবর্তনে জনগোষ্ঠীকে শিক্ষাদানে সহায়তা করতে এই উদ্যোগ কাজ করবে।

ইউএসআইডি অত্যন্ত দরিদ্র ও পুষ্টিহীনতায় ভুগছে এমন প্রায় ৯০ লক্ষ মানুষের কাছে সহায়তা পৌঁছে দিতে বাংলাদেশ সরকারের সঙ্গে কাজ করছে। এই লক্ষ্যে 'কেয়ার', 'সেভ দ্য চিলড্রেন' ও 'এসিডিআই/ভিওসিএ'-এর মতো সংস্থাগুলো তিনটি ভিন্ন এলাকায় কর্মসূচীগুলো বাস্তবায়ন করবে। আর সেগুলো হচ্ছে (১) 'সৌহার্দ্য ২'র মাধ্যমে কেয়ার রাজশাহী, ঢাকা, সিলেট ও চট্টগ্রাম বিভাগে কর্মসূচীটি বাস্তবায়ন করবে। (২) সেভ দ্য চিলড্রেন 'নবজীবন' কর্মসূচির মাধ্যমে বরিশাল বিভাগে কর্মসূচীটি বাস্তবায়ন করবে এবং (৩) এসিডিআই/ভিওসিএ সংস্থাটি 'প্রসার' কর্মসূচির মাধ্যমে খুলনা বিভাগে কর্মসূচীটি বাস্তবায়ন করবে।

এই কর্মসূচীগুলো বাংলাদেশে 'ইউএসআইডি'-র মিশনের গুরুত্বপূর্ণ অংশ। 'ইউএসএআইডি' বাংলাদেশে পাঁচটি গুরুত্বপূর্ণ ক্ষেত্রে কর্মসূচি পরিচালনা করে থাকে। এগুলো হচ্ছে স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনে সহায়তা দান, খাদ্য নিরাপত্তা জোরদার এবং দুর্যোগ প্রস্তুতি শক্তিশালীকরণ ও প্রাকৃতিক দুর্যোগ পরবর্তী জরুরি সহায়তা প্রদান। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত ৫শ' কোটি ডলারেরও বেশি সহায়তা প্রদান করেছে।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮০-৭১৫০-৮, ফ্যাক্স: ৯৮৮-৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।